



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

Udruženje međunarodnih špeditera

710000 SARAJEVO, Branislava Đurđeva 10

Tel: (+387 33) 566 174, Fax: (+387 33) 566 176

e-mail: sped@komorabih.ba, www.komorabih.ba

- Odbor Udruženja -

PRILOG 30.4.1.

Broj: 03-03-4-606-4/23

Sarajevo, 13. 6. 2023. godine

Na osnovu člana 17. Poslovnika o radu Odbora Udruženja međunarodnih špeditera, Odbor Udruženja na svojoj 30. sjednici, održanoj dana 12. 6. 2023. godine, jednoglasno je usvojio sljedeći:

ZAKLJUČAK

I

U cilju jednostavnijeg i bržeg rješavanja uočenih problema, traži se od Uprave za indirektno oporezivanje BiH, da formira operativni tim koji će se, na kvartalnoj razini, sastajati sa predstavnicima Odbora i raditi na rješavanju problema.

Obzirom da Odbor Udruženja nije dobio nikakav odgovor po određenim inicijativama, iste se ponovno dostavljaju na odgovor, i to:

- Dopis br. 01-4-01-4-1337/20 od 28. 10. 2020.godine
- Inicijativa br. 03-03-4-1129-3-2/22 od 22. 12. 2022.godine
- Inicijativa br.01-4-03-4-270/23-4 od 7. 3. 2023.godine

Navedene inicijative/dopis se dostavljaju u prilogu ovoga Zaključka.

II

Zadužuje se sekretar Udruženja i rukovodstvo Vanjskotrgovinske komore BiH za daljnje postupanje po ovom Zaključku, a u skladu sa aktima Vanjskotrgovinske komore BiH i Udruženja.

Predsjednik Odbora Udruženja:

Zvonko Šušak s.r.



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

URED PREDSJEDNIKA I DOPREDSJEDNIKA

Broj: 01-4-01-4-1337/20

Dana: 28.10.2020. godine

BOSNA I HERCEGOVINA
UPRAVA ZA NEIZRAVNO OPOREZIVANJE
N/r Dr. Miro Džakula, ravnatelj

PREDMET: Inicijativa za elektronsko izdavanje ZUT obrasca / Inicijativa za izmjenu "Uputstva o popunjavanju carinske prijave podnijete u pisanom obliku i korištenjem tehnike obrade podataka i zbirne prijave"

Uvaženi,

Prema saznanjima i informacijama dobijenim od članova Udruženja međunarodnih špeditera Vanjskotrgovinske komore Bosne i Hercegovine, špediteri izvjesno ukazuju na problem sa ZUT obrascem, odnosno kako smatraju „bespotrebnosti“ podnošenja istoga.

Naime, sa stanovišta Zakona o PDV-u i Pravilnika o primjeni Zakona o PDV-u, situacija je jasna i zna se kada treba izdati fakturu sa/bez obračuna zakonske stope PDV-a.

Međutim, problem predstavlja formulacija člana 38. stav (2) Pravilnika, koji uvjetuje postojanje dokaza da su troškovi pruženih usluga (prilikom uvoza dobara) zaista uključeni u osnovicu za obračun PDV-a. Stoji činjenica da, dok navedeni član stoji u Pravilniku, mora postojati i način kontrole.

S tim u vezi, kao rješenje je predloženo ugrađivanje elektronskog ZUT obrasca kroz ASYCUDAWorld sistem. Drugo, alternativa ZUT obrascu, a da bi se zadovoljio uvjet da postoji "dokaz da su troškovi pruženih usluga pri uvozu dobara zaista i uključeni u osnovicu za obračun PDV-a pri uvozu dobara u BiH", koji je propisan pomenutim članom Pravilnika, može biti izmjena "Uputstva o popunjavanju carinske prijave podnijete u pisanom obliku i korištenjem tehnike obrade podataka i zbirne prijave", gdje bi se odredilo da se u rubrici 44 ili nekoj drugoj pogodnoj rubrici navedu brojevi računa sa pripadajućim iznosima, koji jesu uključeni u carinsku osnovicu. Na taj način se omogućava kontrola i detaljni uvid za potrebe inspekcije.

ZUT obrazac je dokaz da je špediterska usluga, usluga prijevoznika ili skladišta ušla u carinsku i PDV osnovicu (što je opet samo po sebi nelogično, jer su te usluge predmet PDV kontrole, a ne carinske kontrole prilikom carinjenja) i sve navedeno se može, umjesto dosadašnjeg fizičkog ovjeravanja, uvesti u carinski program Asycuda Word gdje bi se razvrstali ovi troškovi.

Plaćene carinske i PDV dadžbine se dokazuju kroz elektronski sistem, „**L broj procjene deklaracije**“ gdje su iznosi mnogo veći od navedenih u ZUT obrascu.

Prednosti ove inicijative bile bi da bi carinici imali manje administrativnih procedura (pogotovo u momentima kada se zagubi ZUT obrazac, što se dešava svakodnevno, to su posebne komplikacije, naknadni zahtjevi, traženje arhiva), špediteri-manje bespotrebnih odlazaka na carinske ispostave, troškovi goriva, zadržavanja u zatvorenim prostorima za vrijeme pandemije, zatim prijevornici bi mnogo lakše dolazili do dokumenata koje su obavezni imati kao prilog izdatog računa, a vlasnici skladišta-mnogo jednostavnije i brže bi izdavali robe, te oslobadali bankovnu garanciju.

Očekujući puno razumijevanje i razmatranje predloženog, unaprijed Vam zahvaljujemo i srdačno pozdravljamo.

S poštovanjem,



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
http://www.komorabih.ba



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA

KABINET PREDSEDNIKA I DOPREDSJEDNIKA

Broj: 03-03-4-1129-3-2/22

Dana: 22.12.2022. godine

UPRAVA ZA INDIREKTNO OPOREZIVANJE BIH

n/r g-din Miro Džakula, direktor

MJEŠOVITA KOMISIJA ZA PRAĆENJE UGOVORA

IZMEĐU BIH I HRVATSKE O GRANIČNIM PRIJELAZIMA PUTEM MINISTARSTVA SIGURNOSTI BIH

n/r g-din Božo Zovko, predsjednik MK

PREDMET: Inicijativa Odbora Udruženja međunarodnih špeditera slijedom Zaključka 28.sjednice, dostavlja se

Poštovani,

Odbor Udruženja međunarodnih špeditera Vanjskotrgovinske/Spoljnotrgovinske komore Bosne i Hercegovine na svojoj 28. sjednici, održanoj 01.12.2022. godine, razmatrao je trenutne probleme međunarodnih špedicija koje posluju na teritoriji Bosne i Hercegovine, a između ostalog i međunarodne granične prijelaze sa Republikom Hrvatskom. Nakon provedene analize o statusu, položaju i opterećenosti pojedinih graničnih prijelaza, ali i zahtjeva privrednih subjekata o prekategorizaciji istih, gdje bi se omogućilo i konačno carinjenje na graničnom prijelazu, Odbor Udruženja međunarodnih špeditera Vanjskotrgovinske/Spoljnotrgovinske komore BiH, jednoglasno je usvojio Zaključak broj 03-03-4-1129-3/22 od 01.12.2022. godine koji Vam dostavljamo u prilogu.

Poznavajući nadležnosti, jedinstvena Inicijativa se dostavlja naslovima gore, radi upoznavanja sa kompletnim Zaključkom, a na postupanje prema nadležnosti.

Očekujući puno razumijevanje i skori odgovor, unaprijed Vam se zahvaljujemo i srdačno pozdravljamo.

S poštovanjem,

PREDSEDNIK

Zdravko Marinković



PRILOG:

- Zaključak br. 03-03-4-1129-3/22 od 1. 12. 2022.godine

Dostavljeno:

- Naslovu
- 03
- a/a



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
<http://www.komorabih.ba>



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
Udruženje međunarodnih špeditera
710000 SARAJEVO, Branislava Đurđeva 10
Tel: (++387 33) 566 174, Fax: (++387 33) 566 176
e-mail: sped@komorabih.ba, www.komorabih.ba
- Odbor Udruženja -

PRILOG 28.2.1.

Broj: 03-03-4-1129-3/22
Sarajevo, 12.12.2022. godine

Na osnovu člana 17. Poslovnika o radu Odbora Udruženja međunarodnih špeditera, Odbor Udruženja na svojoj 28. sjednici, održanoj dana 01.12.2022. godine, jednoglasno je usvojio sljedeći:

ZAKLJUČAK

I

Analizom podataka iz informacije pod nazivom „Redefiniranje graničnih prijelaza sa Republikom Hrvatskom i nužnost unaprijeđenja uvožno-izvoznih postupaka“ koja sadrži podatke o broju teretnih vozila koja ulaze u/iz Bosne i Hercegovine u/iz Hrvatsku za period od 2015.godine do 10. mjeseca 2022.godine, te geografskim pozicijama BIP-ova (Border Inspection Points), te graničnih prijelaza koji imaju status međunarodnog graničnog prijelaza za promet putnika i roba, uključujući i robe koje podliježu fitosanitarnoj kontroli, Odbor je jednoglasno usvojio Zaključak da se Upravi za indirektno oporezivanje BiH i Mješovitoj komisiji za praćenje Ugovora između Bosne i Hercegovine i Hrvatske o graničnim prijelazima, putem Ministarstva sigurnosti BiH, uputi Inicijativa kako bi se kroz pregovore:

1. osigurala prekategoriizacija *novosagrađenog graničnog prijelaza Svilaj/Donji Svilaj koji se nalazi na koridoru 5.c i graničnog prijelaza Izačić/Ličko Petrovo Selo u granične prijelaze sa svim inspekcijским kontrolama, tzv. BIP, uz već postojeća dva BIP-a (Gradiška/Stara Gradiška i Bijača/Nova Sela),*
2. osigurao status međunarodnih cestovnih prijelaza za promet putnika i roba, uključujući i robe koje podliježu fitosanitarnoj kontroli, za granične prijelaze *Orašje/Županja, Kamensko/Kamensko, i Vinjani Donji/Gorica,*
3. utvrdilo *14-satno radno vrijeme svakim danom u sezoni (maj-oktobar, svih inspekcijских organa na graničnim prijelazima na kojima je njihovo prisustvo definirano i*
4. omogućilo konačno carinjenje na graničnom prijelazu *Kamensko.*

Jedinstvena Inicijativa se šalje Upravi za indirektno oporezivanje BiH i Mješovitoj komisiji za praćenje Ugovora između Bosne i Hercegovine i Hrvatske o graničnim prijelazima radi upoznavanja sa kompletnim Zaključkom, a na postupanje prema nadležnosti.

II

Zadužuje se sekretar Udruženja i rukovodstvo Vanjskotrgovinske komore BiH za daljnje postupanje po ovom Zaključku, a u skladu sa aktima Vanjskotrgovinske komore BiH i Udruženja.

Predsjednik Odbora Udruženja:

Zvonko Šušak s.r.



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

КАБИНЕТ ПРЕДСЈЕДНИКА И ПОТПРЕДСЈЕДНИКА

Број: 01-4-03-4-270/23-4

Датум: 07.03.2023. године

ХИТНО

УПРАВА ЗА ИНДИРЕКТНО ОПОРЕЗИВАЊЕ БИХ
СЕКТОР ЗА ЦАРИНЕ

н/р г-дин Владимир Драгичевић, помоћник директора

ПРЕДМЕТ: Иницијатива слиједом Закључка 29. сједнице Одбора Удружења
међународних шпедитера, доставља се

Уважени господине Драгичевић,

Одбор Удружења међународних шпедитера Спољнотрговинске коморе Босне и Херцеговине на својој 29. хитној електронској сједници, одржаној 06.03.2023. године, једногласно је усвојио Закључак, а слиједом иницијативе чланова Одбора међународних шпедитера СТК БИХ, који припадају Регионалном центру Сарајево.

Наиме, акт Сектора за царине Управе за индиректно опорезивање БиХ, упућен Одсјеку за унутрашњу контролу УИО, број 03-18-2-2619-1/22 од 16.12.2022. године, као и од Информација Регионалног Центра Сарајево, Одсјек за царинске послове, број 03/Б/ИИ-07-2-3-17-1/23 од 24.02.2023. године, а која је упућена свим организационим јединицама РЦ Сарајево, изазвали су низ потешкоћа и у великој мјери усложнили, успорили и отежали обављање царинских формалности, али и створили додатне (непотребне) трошкове.

Поздрављајући све напоре запосленика Управе за индиректно опорезивање БиХ у спровођењу новог Закона о царинској политици БиХ и проведбених прописа, с посебним освртом на Вашу хитну реакцију приликом доношења Одлуке о измјенама и допунама Одлуке о спровођењу Закона о царинској политици у Босни и Херцеговини („Службени гласник БиХ“, број 6/23), молимо да поновно размотрите горе наведену Информацију и са исправним тумачењем омогућите кориштење поједностављених поступака у пуном обиму, односно увелико олакшате и поједноставите све царинске поступке.

С тим у вези, Одбор Удружења међународних шпедитера Спољнотрговинске коморе БиХ, једногласно је усвојио Закључак којим се од Управе за индиректно опорезивање БиХ тражи да у што хитнијој процедури достави исправно тумачење горе наведеног Акта и Информације, а у циљу рјешавања проблема који је идентификован и образложен у Закључку број: 03-03-4-270/23-3 од 06.03.2023. године, који Вам достављамо у прилогу.

Очекујући пуно разумијевање и брзи одговор, унапријед Вам се захваљујемо и срдечно поздрављамо.

С поштовањем,

ПРИЛОГ:

- Закључак бр. 03-03-4-270/23-3 од 06.03.2023. године

Достављено:

- Наслову
- 03
- а/а

ПРЕДСЈЕДНИК
Здравко Маринковић



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566-258, 566-259

E-mail: cis@komorabih.ba
<http://www.komorabih.ba>



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

SEKTOR ZA TRANSPORT I KOMUNIKACIJE

Udruženje međunarodnih špeditera
710000 SARAJEVO, Branislava Đurđeva 10
Tel: (++387 33) 566 174, Fax: (++387 33) 566 176
e-mail: sped@komorabih.ba, www.komorabih.ba
- Odbor Udruženja -

PRILOG 29.1.1.

Broj: 03-03-4-270/23-3
Sarajevo, 06.03.2023. godine

Odbor Udruženja međunarodnih špeditera, na elektronskoj 29. sjednici Odbora, jednoglasno je usvojio sljedeći:

ZAKLJUČAK

I

Akt Sektora za carine Uprave za indirektno oporezivanje BiH, upućen Odsjeku za unutarnju kontrolu UINO, broj 03-18-2-2619-1/22 od 16.12.2022 godine, kao i od Informacija Regionalnog Centra Sarajevo, Odsjek za carinske poslove, broj 03/6/II-07-2-3-17-1/23 od 24.02.2023.godine, a koji je upućen svim organizacionim jedinicama RC Sarajevo, izazvali su niz poteškoća i u velikoj mjeri usložnili, usporili i otežali obavljanje carinskih formalnosti, ali i stvorili dodatne (nepotrebne) troškove.

Navedeni akt, poziva se na odredbu člana 170. Odluke o provođenju Zakona o carinskoj politici u BiH („Službeni glasnik BiH, broj 13/19), a koja se odnosi na mjesto i vrijeme pregleda robe, kao i na Odluku o troškovima pregleda robe izvan mjesta rada i izvan radnog vremena carinskog organa („Službeni glasnik BiH“, broj 53/22) i prema kojima je određeno mjesto gdje carinski organ redovito obavlja carinjenje robe. To konkretno znači da se sva roba, za sve carinske postupke, upotrebom različitih tehnika mora predočiti za carinjenje na carinskom terminalu i to na sljedeći način: ili dovesti sve robe na terminal na uvozno carinjenje bez obzira na modul selektiviteta ili za svaku deklaraciju pojedinačno podnijeti zahtjev za izlazak carinskog radnika izvan radnog mjesta.

Mišljenje da se gore navedeni dokumenti pogrešno tumače, obrazlaže se sljedećim :

- Informacija Sektora za carine direktno se odnosi na izlazak carinskog radnika izvan radnog mjesta i primjenjuje se samo u rijetkim i opravdanim slučajevima (vangabaritne robe, žive životinje i slično) i da nikako nije praksa u redovnim carinskim postupcima;
- Podsjetnik, Stručni kolegij Uprave za indirektno oporezivanje BiH je još 2008. godine, obzirom na učestale zahtjeve za izlazak carinskih radnika i stvarnu nemogućnost da se odgovori na svaki zahtjev, jasno i nedvosmisleno, zauzeo stav da se samo u rijetkim i izuzetno potrebnim slučajevima fizički izlazi na vanjske preglede, a sada se očekuje sasvim suprotno, da se podnose zahtjevi za izlazak carinskih radnika;
- Propisani iznos troška od 40,00 KM za sat rada carinskog službenika se odnosi na jedan sat rada i ne bi se trebao odnositi na broj deklaracija u okviru toga radnog sata;
- Modul selektiviteta (samo dokumentarni ili dokumentarni i fizički pregled robe) koji proizilazi iz sistema ASYCUDA i koji se godinama uspješno primjenjuje, sada postaje nevažeci, jer se u određenoj varijanti, sva roba, unaprijed, mora na posebnom vozilu dostaviti na carinski terminal, a nakon što je ista smještena u privremeni smještaj ovlaštenog primatelja, te samim tim predočena određenoj carinskoj uredu. Napominjemo, da je naporima djelatnika Uprave za indirektno oporezivanje BiH, žutih i zelenih traka selektiviteta sve više i da se na taj način polako

- primičemo standardima EU, kao i da je doprema pošiljki sa takvim selektivitetima na carinske terminale potpuni apsurd koji je teško objašnjiv privrednim subjektima.
- Posljednjih godina, liberalizacijom carinskih propisa, značajan broj privrednih subjekata-špeditera, ostvario je povlašten status i koristi pojednostavljene procedure, od kućnog uvoznog/izvoznog carinjenja, preko sticanja statusa ovlaštenog izvoznika, pa sve do statusa i privilegije ovlaštenog primaoca i/ili pošiljaoca. Sve ove pojednostavljene procedure u velikom mjeri su poboljšale i u svakom pogledu optimizirale poslovanje špeditera i privrednih subjekata. Prethodno navedeni dokumenti i njihovo striktno sprovođenje, je u kontradikciji sa odobrenjima koja su firme-špedicije dobile za korištenje pojednostavljenih procedura. Npr. ovlašteni primatelj, nakon korištenja privilegije, da odmah po prispjeću robe sa granice, istu može smjestiti u privremeni smještaj ovlaštenog primatelja (a u skladu sa odobrenjem UINO BiH) sada treba, tu istu robu u potpunosti dovesti posebnim vozilom na carinski terminal, u cilju uvoznog carinjenja.
 - U članu 3. Odluke o troškovima pregleda robe izvan mjesta rada i izvan radnog vremena carinskog organa, jasno je definiran pojam mjesta u kojem carinski organ redovito obavlja carinjenje robe i gdje se pod tačkom „e“ nedvosmisleno kaže da je mjesto u kojem carinski organ redovito obavlja carinjenje robe „odobreni prostori u pojednostavljenim carinskim postupcima“. Iz ovoga jasno proizilazi, da ako privredni subjekt koristi pojednostavljenu proceduru i ima odobrenje i koristi status ovlaštenog primatelja, samim time odobreno je i mjesto za redovno obavljanje carinjenja roba, kao što je i navedeno u Odobrenju.
 - Također, pozivajući se na Uputstvo o postupku kućnog uvoznog carinjenja i Uputstvo o postupku kućnog izvoznog carinjenja („Službeni glasnik BiH“, broj 57/22) i njihov član 6. tačka 1. u kojima se za oba Uputstva jasno navodi da se „... roba može staviti u odobreni izvozni/uvozni carinski postupak u odobrenom prostoru imaoća odobrenja, bez obaveze neposrednog predočenja (dopremanja) robe carinskog uredu.“ Istovremeno, u članu 6. tačka 2. oba Uputstva, nedvosmisleno se kaže da „... samo provođenje carinskih formalnosti ostaje nepromijenjeno, a radi se samo o promjeni mjesta predočenja robe. Dokumentarni i fizički pregled robe obavlja se kao i u redovnom (standardnom) postupku samo je mjesto obavljanja tih carinskih formalnosti odobreni prostor korisnika kućnog uvoznog ili izvoznog carinjenja u kojem se roba pušta u zahtijevani uvozni ili izvozni postupak“.

Sve prethodno navedeno direktno koincidira i u vezi je sa Odlukom o troškovima pregleda robe izvan mjesta rada i izvan radnog vremena carinskog organa („Službeni glasnik BiH“, broj 53/22) i članom 3. pod „e“ Odluke, gdje je jasno definiran pojam „mjesta u kojem carinski organ redovito obavlja carinjenje robe“, a to su (ta mjesta), kako je navedeno pod tačkom „e“ odobreni prostori u pojednostavljenim carinskim postupcima.

Slijedom navedenog, Odbor Udruženja Vanjskotrgovinske komore BiH traži da Uprava za indirektno oporezivanje BiH u što hitnijoj proceduri dostavi ispravno tumačenje gore navedenog akta i informacije.

II

Zadužuje se Sektor za transport i rukovodstvo Vanjskotrgovinske komore BiH za daljnje postupanje po ovom Zaključku, a u skladu sa aktima Vanjskotrgovinske komore BiH i Udruženja.

Predsjedavajući:

s.r. Zvonko Šušak